

NOTAT

GÅR TIL: Styremedlemmar
FØRETAK: Helse Vest RHF
DATO: 27.11. 2018
FRÅ: Administrerende direktør Herlof Nilssen
SAKSHANDSAMAR: Bjørn Ivar Bø
SAKA GJELD: Lærlingar i helseføretaka

ARKIVSAK 2018/300
STYRESAK 124/18

STYREMØTE 11.12. 2018

Administrerende direktør si orientering pkt. 5

Bakgrunn

Utgangspunktet for denne saka er styret sin handsaming av sak 092/18. Styret ønska ein årleg rapport om talet på lærlingar i forhold til tal på fagarbeidarar som får jobb i helseføretaka etter utdanning. Samstundes seier styret seg tilfreds med talet på lærlingar så langt, og vil understreke viktigheten av at føretaka har ein omfattande lærlingeordning, og arbeider målbevisst med å auke talet på lærlingar.

Følgjande krav er stilt til helseføretaka i styringsdokumentet for 2018:

- Sørgje for at alle helseføretaka har eigne læreplassar innan helsefagarbeidarfaget, og avklare kor mange lærlingar føretaket bør ha.

I tillegg til krav i oppdragsdokumentet for 2018 har Helse Vest frå 2005 stilt sjølvstendige krav til eigne lærlingar i styringsdokumenta til føretaka uavhengig av styringskrav frå Helse- og omsorgsdepartementet.

Vurdering

Helseføretaka må arbeide systematisk med strategisk bemannings- og kompetanseplanlegging, gjennom å arbeide målretta med å utdanne, rekruttere, behalde og utvikle medarbeidarar.

Det regionale helseføretaket og helseføretaka må ha god dialog og godt samspel med utdanningssektoren for å sikre at utdanningane har kapasitet, kvalitet og innhald som er tilpassa tenesta og befolkninga sine behov.

Det er tidlegare stilt krav om å sikre fleire læreplassar i tråd med måla i «*Samfunnskontrakt for flere læreplasser*». Dette er særleg viktig når det gjeld helsefagarbeidarar. Under følgjer ein oppsummering frå kvart av føretaka av status lærlingar per desember 2018 og kor stor del lærlingar utgjer av totalt tal fagarbeidarar i det aktuelle lærefaget. Føretaka har og, der det har vore mogleg, sagt noko om kor mange som har fått jobb i helseføretaka etter utdanning.

Per desember 2018 har føretaksgruppa Helse Vest **213** lærlingar. På same tidspunkt i 2017 var det 314 lærlingar. Noko av årsaka til differansen skuldast mellom anna at tal samarbeidslærlingar frå kommunane er redusert. Samstundes har fleire føretak hatt ein intern gjennomgang av lærlingeprogrammet sitt og har i denne fasen hatt eit noko redusert opptak av nye lærlingar. Føretaka har nå laga nye planar for å auka tal eigne lærlingar og det er venta at talet vil auke igjen utover i 2019. Det er positivt at helseføretaka bygger opp med eigne lærlingar, tilsvarende den ordning Helse Stavanger HF har hatt i mange år.

Vedlagt følgjer oppdatert status per verksemd.

Statusrapport

Helse Stavanger:

Fagområde	Tal lærlingar – desember 2018	Tal fagarbeidarar i det gitte lærefaget desember 2018	Del lærlingar av totalt fagarbeidarar desember 2018	Tal lærlingar som har fått fast jobb i helseføretaket etter utdanning	Kommentarar
Helsearbeidar-faget	50	347*	14,4 %	Av dei som starta i 2014 har 6 fått fast jobb som helsefagarbeidar. Av dei som starta i 2015 har 2 fått fast jobb som helsefagarbeidar. Ingen av dei som starta i 2016 har fått fast jobb, men 23 har andre stillingsforhold, til dømes midlertidig tilsett og timelønna.	26 lærlingar starta opp den 6. august 2018. I tillegg er det 24 lærlingar som startar på andre året. Grunnen til at det er 24 og ikkje 26 som startar på andre året skuldast ikkje fråfall, men permisjonar og liknande.
Ambulansefaget	20	127**	15 %	Alle som ønskjer jobb hos Helse Stavanger går inn som vikarar og dei aller fleste har fast stilling i løpet av dei første åra.	
Sikkerheitsfaget (veker)	4	15	26,6 %	2	
Portørfaget	7	17	41,1 %	Lærlingane har ikkje søkt fast jobb, men starta på VG3 påbygg (generell studie-kompetanse) som dei automatisk kjem inn på same året dei har fullført fagbrevet.	For ein av dei sju lærlingane har Helse Stavanger ein avtale med NAV om at dei dekker det første året og at fylket godskriv denne perioden som godkjent læretid. Helse Stavanger dekker resten.
Reinhaltsfaget	1	23***	Ikkje aktuelt. Lærlingen frå NAV er ikkje ferdig med læreperioden. Helse Stavanger har og medarbeidarar som tar fagbrev i reinhaltsfaget, men disse er ikkje med i denne rapporteringa.		Lærling frå NAV med same innhald i avtalen som for Portørfaget.
Byggdriftar faget	1	7 (dette gjeld medarbeidarar i Elektroseksjonen som er den seksjonen	14,3 %	Lærling var allereie fast tilsett når han starta i læreløpet.	Voksen medarbeidar som nå er i læreløp. Får støtte frå fylket sidan han kjem inn under vaksenretten. Kontrakten er derimot i ferd med å kansellerast grunna for låg utvikling i

Fagområde	Tal lærlingar – desember 2018	Tal fagarbeidarar i det gitte lærefaget desember 2018	Del lærlingar av totalt fagarbeidarar desember 2018	Tal lærlingar som har fått fast jobb i helseføretaket etter utdanning	Kommentarar
		lærlingen er høyrer til. Disse har fagbrev innan elektro, svakstrøm og automatikk).			faget i forhold til læreplan. Medarbeidaren fortsett i Elektroseksjonen som assistent.

*Talet er henta frå HR-kuben og viser totalt tal helsefagarbeidarar i fast stilling i heile føretaket per oktober 2018. Talet inkluderer medarbeidarar som er i permisjon men ikkje medarbeidarar som står oppført med ulønna sjukefråvær etter maks dato for sjukepengar.

** Talet er henta frå HR-kuben og viser ambulansepersonell med autorisasjon i fast stilling i heile føretaket per oktober 2018. Talet inkluderer medarbeidarar som er i permisjon men ikkje medarbeidarar som står oppført med ulønna sjukefråvær etter maks dato for sjukepengar.

*** Talet er henta frå HR-kuben og viser reinhaldsoperatørar i fast stilling i heile føretaket per oktober 2018. Talet inkluderer medarbeidarar som er i permisjon men ikkje medarbeidarar som står oppført med ulønna sjukefråvær etter maks dato for sjukepengar.

I tillegg til lærlingane nemnt i tabellen over, har Helse Stavanger også kandidatar frå NAV der ein er i prosess med avtaleinngåing for om kvalifiseringsløp. Til dømes gjeld dette lærling innan anleggsgartnarfaget.

Helse Fonna:

Fagområde	Tal lærlingar – desember 2018	Tal fagarbeidarar i det gitte lærefaget desember 2018	Del lærlingar av totalt fagarbeidarar desember 2018	Tal lærlingar som har fått fast jobb i helseføretaket etter utdanning	Kommentarar
Helsearbeidarfaget	16	296	5,4 %		8 første års lærlingar og 8 andre års lærlingar
Ambulansefaget	19	220	8,6 %		10 første års lærlingar og 9 andre års lærlingar
Institusjonskokk	2	28	7,1 %		1 første års lærling og 1 andre års lærling

Ambulansefaget

Over tid får dei fleste faste stillingar i føretaket. Dette gjeld særleg dei som er frå Helse Fonna området. Dei får alle avtale om 0 % stillingar rett etter fagprøve, og går inn i faste stillingar etter kvart som det blir ledige stillingar, gitt at dei tilfredsstillar krava.

Helsefag

Det har vært få faste stillingar som har vært lyst ut dei seinaste åra. Ein del av dei nye helsefagarbeidarane har fått midlertidige stillingar i ulik stillingsstorleik. Nokon få helsefagarbeidarar har fått fast stilling i internt bemanningssenter. I løpet av perioden 2012 – 2017 har 4 fått fast stilling av i ulik stillings storleik ved sengepostane. I same periode har Helse Fonna hatt 48 lærlingar gjennom læreløpet.

Institusjonskokk

Det er sjeldan at disse går direkte over i faste stillingar, men dei starter i vikariat. Etter kvart går dei fleste over i faste stillingar. Ved Matforsyninga i Haugesund har ca. halvparten av dei tilsette kokkene (totalt 5) over tid hatt sitt læreløp i Helse Fonna.

Helse Bergen:

Fagområde	Tal lærlingar – desember 2018	Tal fagarbeidarar i det gitte lærefaget desember 2018	Del lærlingar av totalt fagarbeidarar desember 2018	Tal lærlingar som har fått fast jobb i helseføretaket etter utdanning	Kommentarar
Helsearbeidar-faget (eigne)	9	289	10,3 %	2	Fagarbeidar har vikariat etter læretid. Alle som har bestått fagprøve til no har fått munnleg tilbod om fast stilling, men har takke nei grunna vidare studiar.
Helsearbeidar-faget (samarbeids-lærlingar)	21			4	Fagarbeidar har vikariat etter læretid.
Ambulansefaget	23	185	12,4 %	6	
Barne- og ungdomsarbeidarar	3	26	11,5 %	1	Fagarbeidar har vikariat etter læretid.
Institusjonskokk	2	169			
Automatisering	2			1	Fagarbeidar har vikariat etter læretid.
Dataelektronikk	2			1	
Finmekanikk	1			1+1	Ein fagarbeidar har vikariat etter læretid og ein har fast jobb etter læretid.
Sikkerhet	1				
Portør	5			0	
Logistikk	1			2	Tilsett i føretaket i 2017 og 2018.

Tal fagarbeidarar og kor mange som har fått fast jobb i helseføretaket etter utdanning er henta frå Agresso og sortert manuelt på stillingskode og koststad. For drift tekniske fag har Helse Bergen sortert på stillingskodane fagarbeider, fagarbeider 1 og fagarbeider (teknisk) fordi dei ikkje er registrert med fagspesifikk stillingskode, bortsett frå nokon innan portør (10) og kokk (31). Totalt utgjer desse faga i tabellen 169 personar.

Det at Helse Bergen ikkje kan hente meir presise tal, viser eit behov for rydding i stillingskodar for fagarbeidarar på same måte som Helse Vest nylig har gjort for lærlingar. For alle faggrupper er tal på timetilsette og personar i permisjon ikkje tatt med.

Helse Førde:

Fagområde	Tal lærlingar – desember 2018	Tal fagarbeidarar i det gitte lærlingefaget desember 2018	Del lærlingar av totalt fagarbeidarar desember 2018	Tal lærlingar som har fått fast jobb i helseføretaket etter utdanning	Kommentarar
Ambulansefaget	12	464	2,6 %	Mange som har vore lærlingar har faste stillingar. Men, det er ingen av fjorårets lærlingar som til no har fått faste stillingar. Dei må som regel starte slik som andre søkjarar – i engasjement og vikariat – før dei har ansiennitet til å konkurrere etter kvalifikasjonsprinsippet.	Dei 464 fagarbeidarane inkluderer fagarbeidar med autorisasjon (206), ambulanseassistent (82), fagarbeidar med autorisasjon og autorisert sjukepleiar (53), Sjukepleiar (95) og fagarbeidarar med autorisasjon og paramedic (28)
Institusjonskokk	2			1	I 2017 hadde nokon medarbeidarar stilling som fagarbeidar og nokon stilling som kokk. Begge rollene er medarbeidarar med fagbrev.

Helse Førde har planar om å starte med 12 lærlingar i helsefaget hausten 2019. Det er per desember 2018 totalt 167 fagarbeidarar med denne stillingskategorien i Helse Førde.

Helse Vest IKT:

Fagområde	Tal lærlingar – desember 2018	Tal fagarbeidarar i det gitte lærefaget desember 2018	Del lærlingar av totalt fagarbeidarar desember 2018	Tal lærlingar som har fått fast jobb i helseføretaket etter utdanning	Kommentarar
Seksjon tele og signal	1	10	10 %	Ingen av lærlingane har fått fast jobb. Ein har starta vidare studiar og tre har fått engasjement knytt til konkrete prosjekt.	
Seksjon plattform	7	25	28 %		

Sjukehusapoteka Vest:

Sjukehusapoteka Vest er ikkje lærebedrift.

Helse Vest RHF:

Fagområde	Tal lærlingar – desember 2018	Tal fagarbeidarar i det gitte lærefaget desember 2018	Del lærlingar av totalt fagarbeidarar desember 2018	Tal lærlingar som har fått fast jobb i helseføretaket etter utdanning	Kommentarar
Kontorfag	1	5	20 %	Lærlinge-perioden går ut juni 2019 og lærlingen har gitt uttrykk for at ho ønskjer å studera vidare.	

Helse Vest har ambisjon om å ha ein lærling i kontorfaget til ei kvar tid.